

明史稿
衡云山人集

明文鶴
衛云山人集

釋史據遺卷十六目錄

吳郡李瑤子玉纂

方外列傳

洪儲

無可

肅峯

無凡

咒林

醉和尚

錢道人

桑山人

陳仙

憲宗

石屋僧

九頑民坊

儲公爲國難以前之僧而獨能收拾殘山賸水之局賢矣夫諸祖傳燈未聞出身科目天若以

愚者開此一端如無凡則所謂十指間猶有血
腥者迺放下屠刀立地成佛咒林以賢公子而
能割弃兒女情於曲盤床上自壓其兩趺以報
君父之餘痛是非載來者安得敏決若斯之數
人者其爲忠也義也釋也道也則合而爲一者
也現此宰官身升諸獅子座天又於文人俠客
孝子公孫高士真僧之外而別叛一格以位置
之至若九頑民者迺道人也於國事畧無關
係而皆骯髒自毀以成於道故合作一傳附之

嗟乎卽此方外數輩譽之則仙也佛也毀之則
妄也怪也然皆奇男子也而要不可盡可悲夫

管東海生言伽藍顯卜皇覺緣以屢基度牒秘
遺西山藉是返骨道衍稱佐命諱世雪菴爲護
法沙門三主兩朝龍驤鳥逸皆具殺活大手豈
非近世以來一絕奇公案哉則謂之以是始者
而亦以是終也可

釋史據遺卷十六

列傳十六

南嶽和上退翁者名洪儲字繼起揚之興化人姓李氏早歲出家師事三峯爲高弟後十坐道場而蘇之靈巖最久退翁父嘉兆志士也甲申之變貽書其子曰吾始祖咎繇爲理官子孫因氏理其後以音同亦氏李今先皇帝死社稷而賊乃李氏吾忍與賊同姓乎吾子孫尙復姓理氏先是中州李邕和寒石耻與賊同姓上書請改理氏嘉兆未知而適與合天下傳

爲一理洪儲雖出家然感其父之大節時時思所繼
丙戌以後東南之士濡首焦原相尋無已而吳中爲
最術皆相結納從者如市其才厚重不洩爲人排大
難最多世不盡知也辛卯竟被連染諸義士爭救之
久而得脫好事如故或以前事戒之則曰吾苟自反
無愧卽有意外風波久當自定又曰道人家得力正
於不如意中求之又曰使憂患得其宜湯火亦樂國
吳中高士徐枋歎曰是真以忠孝作佛事者也枋所
居澗上草堂正當靈巖之麓生平少所可寧耐寒餓

不肯納人一絲一粟之餽顧獨於洪儲有深契自稱
白衣弟子洪儲時其急而周之無不受嘗曰退翁是
西竺國中所謂大人者也故儀部周之璵三吳之良
也臨終脫然談笑逝洪儲蹙然沉吟曰是恐非故國
遺臣所宜聞者瞿然嘉禾吳鉉有大志一見輒歎曰
軍持中有此老吾輩寧不媿死一日登堂說法忽發
問曰今日山河大地又是一度否衆莫敢對居吳旣
久明發之墓至老弗衰乃築報慈堂於堯峯祀其父
同人私謚曰孝敏晚以南嶽之請主講福嚴寺吳人

惟恐失之復迎之歸壬子卒於靈巖年六十又九

據遺曰退翁著有靈巖樹泉集孝經箋說其在沙
門凡四十年閱暢宗風篤好人物大類三峯海內
皆能道之侯齋先生曰是非退翁心之精微但觀
其每年三月十九日素服焚香北面揮涕二十八
年如一日是何爲者全氏云易姓之交諸遺民多
隱於浮屠其人不肯以浮屠自待宜也退翁本國
難以前之浮屠而耿耿別有至性遂爲浮屠中之
遺民以收拾殘山剩水之局不亦奇乎

退翁嗣法弟子滿天下其最曰嘉魚熊開元故大學士也初依之說法爲執爨事退翁一見輒歎爲非常人後居華山名正志其次曰宣城沈麐生故監司壽嶽子也壽嶽死國麐生深抱王哀之痛遂師事之後居姚江名大瓠再次曰歸安董說故諸生也經學極博高隱潯溪辛卯之難道場星椒說獨負書杖策入山開講爲時下所重後居堯峯名南潛

無可桐城人姓方氏自署其號曰浮山愚者自披緇

後故無常名初在天界爲無可旣人匡廬爲五老一
居壽昌爲藥地或爲墨歷人訛嘖之又名之曰木立
其最後稱爲愚者也父孔炤領袖清流世稱貞述先
生無可少嘗避地南都與吳中楊廷樞陳子龍夏允
彥輩相友善時事方亟而在廷多恬嬉無與圖難迺
憤甚日偕陳夏諸子畫灰聚米籌當世計崇禎庚辰
成進士會父以楚撫被逮上書跪闕下泣請代囚帝
爲動容尋擢翰林簡討闖賊陷京師父子俱見繫幽
勒榜楚瀕于死福王立馬士英當國與阮大鍼以門

戶舊隙培擊無虛日無可歎曰是尙可爲耶不亟去
人將濁流投我矣遂褫衣披髮賣藥五嶺間自給唐
王召之未赴後永明王連以大學士召用未幾事敗
復歎曰南荒盡矣舍西竺安歸及大兵入知其爲
粵臣物色得之令曰易服則生否則死袍帽在左白
刃在右惟自擇迺辭左而受右帥起爲之解縛謝之
聽爲僧遂披緇去人皆欽其志加禮之旋詣天界事
偃公足迹徧諸山已訪所知於荷葉嶺所知者遠出
就其草菴以居積三月寒鐫破竈子親水火嘗題一

筵爲居士鴻莊者見之詫曰此桐城方密之也捉臂
大笑自是輒蹟綻露密之名以智自以相粵無成竟
落染歷主壽昌青原諸講席而遂以僧終謂天界寺
據遺曰密之於崇禎朝供事內廷一日帝御經筵
回天顏不怡忽歎息至再曰求忠臣必於孝子之
門近臣跪請其說帝曰今早經筵上展書官陳某
其父以巡撫河南失機繫獄處決在即矣而其子
衣錦熏香展書朕前畧無戚容不孝如此其能忠
乎近臣對曰展書官舊例皆然跪進上前防有不

潔氣故必衣飾鮮華熏香盈補要令展書時芳馨
襲御座耳帝曰知此例便當辭宮不然辭差可也
今新進士有方以智其父方孔炤亦以巡撫湖廣
與陳某父同臯下獄朕聞以智懷有血疏曰於朝
門外候百官過敝頭嚙號求上達代父死此亦人
子也言已又歎曰求忠臣必於孝子之門未幾孔
炤釋而陳辟此甲午秋九月事甲申三月之變方
氏父子皆陷於賊當時凡被刑辱一夾二夾不等
者五十又五人好醜不齊而俗之亦在辱中賊去

南歸後南都立馬阮誣孔昭曾滂僞命人之六等
臯中舉朝大譁乃已右傳不列粵臣而列於方
外者以密之雖事三朝畧無政蹟迨其後就白刃
披緇衣嗣法佞公世竟以譖知識稱尙其晚節也
故於南中熊魚山下特設一座魚山則以官以經
濟重見諸前史故不得入方外

無可同時有嘯峰者亦皖人嘗歷官都給事中與
之並師佖公時稱爲皖江兩大師

無凡姓汝氏名應元字善長華亭人釋名行誠世稱

其字曰無凡故太傅張肯堂麾下總兵官都督同知也少讀書通文筆顧大魁碩有勇幹譚料事以貧故且與肯堂爲同里遂服役時年尙未二十肯堂一見異之曰此非隸役中人及巡撫福建應元在幕府最荷委任往來海上指麾諸將以捕盜積功至都司僉書然尙侍軍未止也乙酉四月以公孫茂滋同歸松江而南都亡考功夏允彝倡義時吳淞總兵吳志葵故出夏門下以麾下應之薦紳則尙書沈猶龍給事陳子龍中書李待問皆松之望也應元遽以便宜盡

發張氏家丁出家財爲支軍一隊興志葵合或賊之
曰此大事子何匆匆爲笑曰我公志也於是夏陳諸
公相納以袍笏列拜之於營前且曰斯四十年領祖
東林之錢尙書所不肯爲而應元名遂大震未幾師
敗仍護公孫以浮海入閩唐王知之大喜卽授御旗
牌總兵官都督同知福州時軍政歸鄭氏肯堂雖位
大宰不得有所展布王議親征以肯堂任水師率麾
下從禡牙將發而鄭氏以其私人郭必昌代之已芝
龍降唐王出走肯堂浮海至舟山依黃斌卿適監國